

BAB V PANUTUP

5.1 Kacindekan

Dumasar kana hasil panalungtikan, jeung pedaran dina bab IV panalungtikan téh bisa dicindekkeun saperti ieu di handap.

- 1) Kamampuh nulis téks biantara siswa kelas IX-I SMP Negeri 19 Bandung Taun Ajaran 2022/2023 saméméh ngagunakeun modél pangajaran *Think-Talk-Write (TTW)* kagolong can tuntas. Katitén tina hasil *pre-test* rata-rata peunteunna nyaéta 59,74, hartina, kamampuh siswa kagolong kana katégori kurang atawa can tuntas. Ieu hal katitén dina peunteun unggal aspék anu masih kurang tina *Kritéria Ketuntasan Minimal (KKM)* 75, nyaéta ngawengku aspék eusi téks biantara rata-rata peunteunna (12,41) tina skor minimal 7 jeung maksimalna 20 kaasup sedeng-cukup, aspék struktur téks biantara meunang rata-rata peunteun (13,06) tina skor minimal 7 jeung maksimalna 20 kaasup sedeng-cukup, aspék gaya basa meunang rata-rata peunteun (11,12) tina skor minimal 7 jeung maksimalna 20 kaasup sedeng-cukup, aspék karapihan meunang rata-rata peunteun (12,41) tina skor minimal 7 jeung maksimalna 20 kaasup sedeng-cukup, aspék éjahan meunang rata-rata peunteun (10,79) tina skor minimal 7 jeung maksimalna 20 kaasup sedeng-cukup. Ku kituna bisa dicindekkeun yén siswa can maham kana aspék eusi, struktur, gaya basa, karapihan jeung éjahan nulis téks biantara.
- 2) Kamampuh nulis téks biantara siswa kelas IX-I SMP Negeri 19 Bandung Taun Ajaran 2022/2023 sabada dilarapkeunna modél pangajaran *Think-Talk-Write (TTW)*, rata-rata peunteunna nyaéta 84,79 hartina kamampuh siswa kagolong kana katégori alus atawa tuntas luyu jeung *Kritéria Ketuntasan Minimal (KKM)* 75 tina unggal aspékna. Katitén tina hasil *post-test* anu ngawengku aspék eusi téks biantara nu meunang rata-rata peunteun (17,79) tina skor minimal 7 jeung maksimalna 20 kaasup cukup-alus, aspék struktur téks biantara nu meunang rata-rata peunteun (18,21) tina skor minimal 7 jeung maksimalna 20 kaasup alus pisan-sampurna, aspék gaya basa nu meunang rata-rata peunteun (16,03) tina skor minimal 7 jeung maksimalna 20

kaasup cukup-alus, aspék karapihan nu meunang rata-rata peunteun (16,91) tina skor minimal 7 jeung maksimalna 20 kaasup cukup-alus, aspék éjahan nu meunang rata-rata peunteun (15,85) tina skor minimal 7 jeung maksimalna 20 kaasup cukup-alus. Ku kituna bisa dicindekkeun siswa geus maham kana unggal aspék dina nulis téks biantara.

- 3) Aya béda anu signifikan tina kamampuh nulis téks biantara siswa saméméh jeung sabada ngagunakeun modél pangajaran *Think-Talk-Write (TTW)* di kelas IX-I SMP Negeri 19 Bandung Taun Ajaran 2022/2023, kalawan rata-rata peunteun *pre-test* jeung *post-test* nyaéta tina hasil *pre-test* 59,74 ngaronjat jadi 84,79 tina 34 siswa, aya 2 siswa anu teu tuntas, kusabab masih kurang dina maham basa sunda, lantaran lain urang sunda. Bédana kamampuh siswa saméméh jeung sabada ngagunakeun modél pangajaran *Think-Talk-Write (TTW)* dibuktikeun dina uji hipotésis. Uji dina ieu panalungtikan ngagunakeun *Statistic Parametic* kalawan uji *T-test*. Dumasar kana hasil uji statistik nilai signifikansi (*Sig. 2-tailed*) nyaéta ($0,000 < 0,05$) atawa kurang ti 0,05. Ku kituna, H_1 ditarima H_0 ditolak. Hartina aya béda nu signifikan antara hasil *pre-test* jeung *post-test*. Hartina, bisa dicindekkeun yén modél pangajaran *Think-Talk-Write (TTW)* bisa ningkatkeun kamampuh nulis téks biantara siswa kelas IX-I SMP Negeri 19 Bandung Taun Ajaran 2022/2023.

5.2 Implikasi

Modél pangajaran *Think-Talk-Write (TTW)* dina pangajaran nulis téks biantara. Larapna modél pangajaran *Think-Talk-Write (TTW)* miboga implikasi yén ieu modél bisa ditarima ku siswa. Nalika prak-prakanna, siswa leuwih aktif sarta interaktif jeung papada baturna. Ieu modél meunang dukungan jeung aprésiasi anu hadé boh ti siswa boh ti guru. Digunakeunna modél pangajaran *Think-Talk-Write (TTW)* jadi salasihiji cara pikeun numuwuhkeun sikep kreatif jeung kritis siswa dina ngamekarkeun idé jeung gagasan, ogé éféktifna suasana diajar di kelas.

5.3 Rékoméndasi

Sabada dilaksanakeunna panalungtikan modél pangajaran *Think-Talk-Write* (TTW) pikeun ngaronjatkeun kamampuh nulis téks biantara siswa kelas IX-I SMP Negeri 19 Bandung Taun Ajaran 2022/2023, aya sawatara rékoméndasi ieu di handap.

- 1) Modél pangajaran *Think-Talk-Write* (TTW) bisa ngaronjatkeun kamampuh nulis téks biantara. Ku sabab kitu, ieu modél téh bisa dijadikeun salasihiji alternatif pikeun guru dina pangajaran nulis téks biantara.
- 2) Pikeun panalungtik satuluyna dipiharep bisa leuwih asak dina ngararancang modél pangajaran *Think-Talk-Write* (TTW).
- 3) Ku sabab ieu panalungtikan ngagunakeun métode kuasi ékspérimén, ku kituna perlu diayakeun deui panalungtikan dina métode ékspérimén murni sangkan meunang ambahan anu leuwih lega deui.